

DEN AMBIENTE

*Den un Cobalt Club
tremendamente bishita..*

**ALEX "EL PADRINO" MANSUR JR.
A BAUTISA E C.D.
"HISA MI SALARIO" DI CLAUDIUS
& O.R.E.O...**

**** Pasco marduga den un Cobalt Club tremendamente bishita a tuma lugar bautismo di e mas recien disco compacto di Claudius Philips & O.R.E.O. titula "Hisa Mi Salario". Pa e ocasion super special aki a toca honor na e PADRINO di tur tempo di Claudius Philips, ALEX "EL PADRINO" MANSUR JR. pa realiza e acto di bautismo como Padrino di e C.D. "Hisa Mi Salario". Den presencia di e grandioso publico e C.D. a ser bautisa cu e prestigioso marca di champagne CRISTAL pa Alex Mansur Jr. Como e sorpresa durante e acto di bautismo, tabata presente nos querido Tata di Cultura Padu del Caribe, kende despues di e acto, a sorprende Claudius Philips cu un numero musical riba e propio piano electronico di Claudius & O.R.E.O. E sorpresa agradable aki a cay na masha agrado serca e grandioso publico, kendenan a los un bom di aplauso demostrando asina nan aprecio pa tanto Padu del Caribe y Claudius Philips. Despues cu Padu del Caribe a sacudi Cobalt Night Club, a toca turno pa Claudius & O.R.E.O. rementa e multitud un formidable set bailable den style di un mini concierto, na unda nan a presenta mayoria di nan temanan cu ta aparece riba nan recien C.D. combina cu varios di nan hitnan inmortal. Tabata un Pasco marduga perfecto, un super fiesta di gala den cual Claudius & O.R.E.O. a pone tur hende goza y disfruta manera debe ser. Algo hopi importante tambe pa menciona, cu e ambiente tabata uno familiar na unda fraternalmente tur hende tabata desea otro un...FELIZ DIA DI PASCO...**



**** Prome cu e acto di bautismo Alex Mansur Jr. ta puntra Claudius Philips "TA CON HALTO E KIER PA SU SALARIO HISA"...**



**** Den e forma aki e C.D. "Hisa Mi Salario" a ser bautisa pa Alex "El Padrino" Mansur den presencia di e integrantenan y manager Edwina Werleman di Claudius & O.R.E.O...**



**** Foto historico na momento cu nos Tata di Cultura Padu del Caribe y nos gran artista di e generacion nobo Claudius Philips conhuntamente tras di piano...**



**** E famia completo di Claudius & O.R.E.O. hunto cu nan padrino Alex Mansur Jr y Don Padu del Caribe...**



**** E mesa di e invitadonan tabatin drinksnan na granel, ya cu e SALARIO A HISA. Por aprecia Dj Gen Bislick di Canal 90 kende a fungi como M.C., Don Antonio Lacle di e prestigioso Aruba Recording Studio kende porcierto a bira "PATA PATA", Edwina Werleman manager di O.R.E.O. y Dj Nilca Franka di Hit 94..**